



Na osnovu člana 22 Statuta Brčko distrikta BiH („Službeni glasnik Brčko distrikta BiH“ broj 3/07), člana 45 Poslovnika Skupštine Brčko distrikta BiH – prečišćeni tekst („Službeni glasnik Brčko distrikta BiH“ broj 11/03) i Prijedloga odluke gradonačelnika broj: 01.1-02-008122/08 od 18. februara 2008. godine, Skupština Brčko distrikta BiH na 65. redovnoj sjednici održanoj 13. marta 2008. godine donijela je

## ODLUKU

### O IZMJENAMA I DOPUNAMA ODLUKE O DRŽANJU PASA, REGISTRACIJI I NAČINU POSTUPANJA S NEUPISANIM, NAPUŠTENIM I IZGUBLJENIM PSIMA KAO I USLOVIMA ZA DRŽANJE PTICA

#### Član 1

U Odluci o držanju pasa, registraciji i načinu postupanja s neupisanim, napuštenim i izgubljenim psima kao i uslovima za držanje ptica («Službeni glasnik Brčko distrikta BiH», brojevi: 26/06 i 28/07) u članu 12 dodaje se novi stav 3 koji glasi:

«U slučaju da javno ovlaštenje nije dodijeljeno pravnom ili fizičkom licu, brigu oko sakupljanja pasa i drugih životinja iz stava 1 ovog člana preuzima organ javne uprave koji odredi Vlada Brčko distrikta BiH.»

#### Član 2

Iza poglavlja VI, dodaje se novo poglavlje: «VII. SKLONIŠTE/AZIL ZA ŽIVOTINJE» i novi članovi 14, 15, 16 i 17, koji glase:

##### «Član 14

Sklonište za životinje može osnovati fizičko ili pravno lice u skladu sa uslovima koje propisuje organ javne uprave nadležan za poslove veterinarstva.  
Ako nije osnovano sklonište za životinje u skladu sa stavom 1 ovog člana njegovo osnivanje i rad finansira se iz budžeta Brčko distrikta BiH.

##### Član 15

Sklonište za životinje mora:

1. primati prijave o napuštenim i izgubljenim životinjama,
2. obezbijediti smještaj izgubljenih i napuštenih životinja,
3. obezbijediti veterinarsko-zdravstvenu zaštitu životinja,
4. tražiti vlasnike napuštenih i izgubljenih životinja ili ih nastojati udomiti,
5. voditi evidenciju o pronađenim životinjama, njihovom zbrinjavanju i eutanaziji,
6. sprovoditi mjere koje odredi Veterinarska inspekcija i sarađivati sa organima javne uprave.

##### Član 16

Nad životinjom iz skloništa koja se ne vrati vlasniku, a koju nije moguće dalje držati ili udomiti može se nakon 30 dana izvršiti eutanazija.

##### Član 17

Neupisani psi (psi lualice) se nakon prikupljanja sa javnih površina smještaju u tranzitni objekat za zbrinjavanje pasa, gdje se psi mogu držati do 30 dana nakon čega se predaju u sklonište za životinje ili se vrši eutanazija.

Eutanaziju pasa sprovodi veterinar ili veterinarski tehničar pod nadzorom veterinara ukoliko utvrdi:

1. da je pas obolio, a da bi liječenje bilo dugotrajno, povezano s patnjama i neizvjesno,
2. da je pas dostigao visoku starost,
3. da je takav postupak neophodan zbog sprovođenja mjera za otkrivanje, sprečavanje, suzbijanje i iskorjenjivanje bolesti u skladu s propisima iz veterinarstva, posebno onih koje mogu ugroziti ljude ili nanijeti veliku privrednu štetu,
4. da je pas opasan za okolinu.»

Dosadašnja poglavlja VII, VIII, IX i X postaju poglavlja VIII, IX, X i XI.

Dosadašnji članovi 14, 15, 16, 17, 18, 19 i 20 postaju članovi 18, 19, 20, 21, 22, 23 i 24.

### **Član 3**

Ova odluka stupa na snagu danom donošenja i objavit će se u „Službenom glasniku Brčko distrikta BiH“.

Broj: 0-02-022-47/08

Brčko, 13. marta 2008. godine

**PREDSJEDNIK  
SKUPŠTINE BRČKO DISTRIKTA BiH  
Prof. dr. Milan Tomić, s.r.**